



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1312 Usque Ad Annum 1351

Fleury, Claude

August. Vind. [u.a.], 1767

VD18 9011826X

§. 24. Nippon pellitur: Glycys Patriarcha Constantinop.

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

Secul. XIV. A.C. 1316. dicavit, excusans, quod posteriori petasum non mitteret. Nam Cardinalibus, inquiebat, qui absentes sunt renunciati, non eum mittere solebant Antecessores nostri, nisi ex causis peculiaribus, quarum exempla sunt rara, nec imitanda facile.

§. XXIV.

Niphon pellitur : Glycys Patriarcha Constantinopolis.

*Niceph.
Greg. 1.7.
c. 11.
Sup. §. 3.*

*Cang. Gloss.
Gr. p. 822.*

Anno 1315 Constantinopoli Niphon de sede sua detractus est ob avaritiam, per quam plura commiserat sacrilegia, & ad colligendas sibi divitias modos iniquos, ac dignitati suæ parum consentaneos adhibuerat. Itaque in monasterium Peribleptanum secessit. Anno proximo scilicet Anno 1316 in patriarchale solium elatus est Joannes Glycys tum Logotheta Dromi, seu fere idem ac publici cursus Inspector. Habebat uxorem ac liberos; sed erat ex doctissimis, & mirifice addictus nobili veterum Atheniensium stylo, quem sibi tanquam excellens exemplar proponebat. Nemo ad similitudinem ejus accedebat soliditate judicii, æqui rectique studio, & gravitate morum: quare is honor velut præmium præstanti viro congruere credebatur.

tur. Mox vestem monasticam & uxor
 ejus induit, & ipse respectu sui muneris
 assumere volebat. At Imperator inde
 cohibuit certis temporibus acerbo arti-
 culorum dolori obnoxium, ideoque se-
 cundum medicos egentem usu carni-
 um apud Græcos a vita monastica pro-
 fus alieno.

Sæcul. XIV.
 A. C. 1317.

§. XXV.

Papa dat monita tribus Regibus.

Rex Philippus Longus sacram inunctio-
 nem solenniter accepit Remis die do-
 minica post festum trium sanctorum Re-
 gum nona Januarii anno 1317. Vigin-
 ti tres duntaxat annos habenti Papa
 Joannes scripsit epistolam paternis ple-
 nam consiliis; in qua dicit: Officio di-
 vino, præsertim sacrificio cum ades jam
 huic, jam illi loqueris, ut comperimus,
 ac rebus vacas te avertentibus a de-
 bita attentione animi ad preces, quæ
 pro te ac populo funduntur. Deberes
 etiam, ex quo inauguratus es, mores ex-
 hibere graviores, majorumque tuorum
 instar regium gestare pallium. In regno
 tuo die dominica jus dici, barba &
 capillus tonderi, sicque dies illa profa-
 nari fertur, quod pati non debes, gna-
 rus observationem sabbati esse de præ-

Bal. l. l.

p. 153.

Cont. Nang.

p. 669.